

სს „სილქნეტის“  
მაგისტრალურ/ძირითად (“trunk”) და „Backhaul” გადაცემის ქსელებთან დაშვების  
შეთავაზების წინადადება

( მოწვევის ოფერტი )

თბილისი  
2019 წელი

წინამდებარე მოწვევის ოფერტით (შემდგომში „ოფერტა“) განსაზღვრულია სს „სილქნეტის“ (შემდგომში: „ოფერენტი“) მაგისტრალურ/ძირითად (“trunk”) და „Backhaul“ გადაცემის ქსელებთან დაშვების შეთავაზების პირობები, რომელიც ვრცელდება დაშვების მსურველ ყველა ავტორიზირებულ პირზე (შემდგომში „აქცეპტანტი“) და მიღებულია ინფორმაციის გამჭვირვალობის უზრუნველყოფის ვალდებულების შესრულების მიზნით.

“ოფერენტის” მაგისტრალურ/ძირითად (“trunk”) და „Backhaul“ გადაცემის ქსელებთან დაშვების ხორცილდება შემდეგი პირობებით:

### **1. “ოფერენტის” დაშვების მომსახურების მიწოდების ვალდებულება**

1.1. „ოფერენტის“ მაგისტრალურ/ძირითად (“trunk”) და „Backhaul“ გადაცემის ქსელებთან დაშვების მომსახურების მიწოდების ვალდებულება დაკისრებული აქვს საქართველოს კომუნიკაციების ეროვნული კომისიის 2018 წლის 06 დეკემბრის N671/9 გადაწყვეტილების შესაბამისად.

### **მუხლი 2. მომსახურების გაწევის ფარგლები/გეოგრაფიული ზონები.**

1.1. “ოფერენტი“ მაგისტრალურ/ძირითად (“trunk”) და „Backhaul“ გადაცემის ქსელებთან დაშვების მომსახურებას ბაზრის შესაბამის სეგმენტზე ახორციელებს 2018 წლის 06 დეკემბრის N671/9 გადაწყვეტილებაში განსაზღვრულს გეოგრაფიულ ზონებში.

### **მუხლი 3. „ოფერენტის“ მაგისტრალურ/ძირითად (“trunk”) და „Backhaul“ გადაცემის ქსელებთან და თანალოკაციის ფართთან დაშვების ტარიფები**

3.1. „ოფერენტის“ მაგისტრალურ/ძირითად (“trunk”) და „Backhaul“ გადაცემის ქსელებთან და თანალოკაციის ფართთან დაშვების ტარიფები მოცემულია წინამდებარე ოფერტის N1 დანართში.

3.2. „ოფერენტის“ ინიციატივით მის მიერ განხორციელებულ მომსახურებაზე „ოფერენტის“ პირობების ცვლილება შესაძლებელია განხორციელდეს ცალმხრივად, მათ შორის “ოფერენტის“ მიმართ საქართველოს კანონმდებლობითა და სსიპ „საქართველოს კომუნიკაციების ეროვნული კომისიის“ (შემდგომში: „კომისია“) მიერ დადგენილი ვალდებულებების გათვალისწინებით, „აქცეპტანტისათვის“ წერილობითი შეტყობინების გაგზავნის საფუძველზე. შეტყობინება უნდა გაიგზავნოს ცვლილების განხორციელებამდე 2 (ორი) კვირით ადრე მაინც. შეტყობინებას უთანაბრდება კანონმდებლობით დადგენილ შემთხვევაში „ოფერენტის“ მიერ ოფერტის პირობების გამოქვეყნება „კომისიის“ ვებ-გვერდზე. ამ პუნქტით გათვალისწინებული წესით პირობების, მათ შორის ტარიფის ცვლილება უთანაბრდება „აქცეპტანტთან“ გაფორმებულ ელექტრონული საკომუნიკაციო კანალიზაციის არხებთან დაშვების ხელშეკრულებაში ცვლილების შეტანას.

3.3. თუ „აქცეპტანტი“ არ ეთანხმება „ოფერენტის“ პირობების ცვლილებას, იგი ვალდებულია წერილობით აცნობოს „ოფერენტს“ წინამდებარე „ოფერენტის“ 3.2. პუნქტით გათვალისწინებული ვადის განმავლობაში. აღნიშნული ქმედება განხილულ იქნება როგორც უარი მომსახურების მიღებაზე, შესაბამისად, „ოფერენტი“ უფლებამოსილია დამატებითი გაფრთხილების გარეშე შეაჩეროს/შეწყვიტოს ხელშეკრულება წინამდებარე “ოფერტით“ განსაზღვრულ მომსახურებაზე.

3.4. თუ წინამდებარე ოფერტის 3.2. პუნქტით გათვალისწინებული ვადის განმავლობაში „აქცეპტანტი“ წერილობითი ფორმით არ განაცხადებს უარს „ოფერენტის“ მიერ განსახორციელებელ ცვლილებაზე, ჩაითვლება, რომ აღნიშნული ცვლილება „აქცეპტანტის“ მიერ მიღებულ იქნა უპირობოდ.

### **მუხლი 4. „ოფერენტის“ მაგისტრალურ/ძირითად (“trunk”) და „Backhaul“ გადაცემის ქსელებთან და თანალოკაციის ფართთან დაშვების განხორციელების პირობები და პროცედურები:**

4.1. „აქცეპტანტის“ მიერ „ოფერენტის“ მაგისტრალურ/მირითად (“trunk”) და „Backhaul” გადაცემის ქსელებთან და თანალოკაციის ფართთან დაშვების მოთხოვნის შემთხვევაში, „აქცეპტანტი“ ვალდებულია წარმოადგინოს:

- ა) წინამდებარე ოფერენტის დანართით N2 განსაზღვრული განაცხადი („მოთხოვნის ფორმა”);
- ბ) ავტორიზაციის დამადასტურებელი დოკუმენტი;
- გ) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;
- დ) უფლებამოსილი პირის პირადობის მოწმობის ასლი;

- აღნიშნული განაცხადი იგზავნება ელექტრონულად, შემდეგ ელექტრონული ფოსტის მისამართზე: [carriers.request@silknet.com](mailto:carriers.request@silknet.com) და წერილობით (ფოსტით), შემდეგ მისამართზე: სს „სილქნეტი“, წინამდებარე მისამართის 95, თბილისი, საქართველო;
- წარმოდგენილ განაცხადში დაფიქსირებული უნდა იყოს განმცხადებლის დასტური, რომ იგი გაცნობილია, ეთანხმება და უპირობოდ შეასრულებს წინამდებარე ოფერენტში დაფიქსირებულ ყველა პირობას;
- წარმოდგენილ განაცხადში აღწერილი უნდა იყოს დაშვების წერტილის კოორდინატი და მომსახურების სახეობა

4.2. „აქცეპტანტის“ მიმართვიდან 3 (სამი) კალენდარული დღის ვადაში „ოფერენტი” შეისწავლის, აკმაყოფილებს თუ არა „აქცეპტანტის“ მიერ წარმოდგენილი დოკუმენტაცია 4.1 პუნქტის მოთხოვნებს. იმ შემთხვევაში, თუ „აქცეპტანტის“ მიერ არ არის წარმოდგენილი 4.1 პუნქტით გათვალისწინებული დოკუმენტაციიდან ერთ-ერთი მაინც ან/და „აქცეპტანტს“ გააჩნია დავალიანება „ოფერენტის“ მიმართ, მას უბრუნდება განაცხადი და ჩაითვლება რომ „აქცეპტანტის“ მიერ აქცეპტი არ გაკეთებულა. დავალიანებაში ასევე იგულისხმება ისეთი შემთხვევა, როდესაც „აქცეპტანტის“ მიერ ნაწილობრივ ან/და არაჯეროვნად სრულდებოდა „ოფერენტის“ წინაშე ნაკისრი ფინანსური ვალდებულებები.

4.3. თუ „აქცეპტანტის“ მიერ წარმოდგენილი დოკუმენტაცია აკმაყოფილებს 4.1. პუნქტით განსაზღვრულ პირობებს და მას არ გააჩნია დავალიანება „ოფერენტის“ მიმართ, „აქცეპტანტის“ მიმართვიდან 10 (ათი) სამუშაო დღის ვადაში „ოფერენტი” შეისწავლის, არის თუ არა „აქცეპტანტის“ მიერ წარმოდგენილ განაცხადში დაფიქსირებული მოთხოვნის დაკმაყოფილების ტექნიკური შესაძლებლობა.

4.4. თუ ტექნიკური შესაძლებლობა არ არსებობს, მაშინ „აქცეპტანტს“ ეცნობება უარი და ჩაითვლება, რომ „აქცეპტანტის“ მიერ განაცხადი არ გაკეთებულა.

4.5. თუ ტექნიკური საშუალება არსებობს, აღნიშნულის დადასტურებიდან არაუგვიანეს 7 (შვიდი) კალენდარული დღის ვადაში „ოფერენტი“ უგზავნის „აქცეპტანტს“ დაშვების მომსახურების ხელშეკრულებას (შემდგომში „ხელშეკრულება“).

4.6. „აქცეპტანტი“ ვალდებულია 3 (სამი) კალენდარული დღის ვადაში, მის მიერ ხელმოწერილი ხელშეკრულება უკან დაუბრუნოს „ოფერენტს”, ოფიციალურ წერილზე თანდართული სახით. თუ ამ ვადაში ხელმოწერილი ხელშეკრულება არ იქნება დაბრუნებული „აქცეპტანტის“ მიერ, ჩაითვლება, რომ „აქცეპტანტი“ უარს აცხადებს ოფერენტზე და „ოფერენტი” უფლებას იტოვებს დაუყოვნებლივ შეწყვიტოს „აქცეპტანტთან“ სახელშეკრულებო ან/და ფაქტობრივი ურთიერთობები (მათი არსებობის შემთხვევაში). შესაბამისად, ჩაითვლება, რომ მხარეებს არანაირი სამართლებრივი ურთიერთობა არ აკავშირებთ.

4.7. იმ შემთხვევაში თუ წინამდებარე ოფერენტის 4.2-4.6 პუნქტებით განსაზღვრული ვადის უკანასკნელი დღე ემთხვევა უქმე და დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე.

4.8. ხელშეკრულებასთან ერთად, „აქცეპტანტი“ ვალდებულია წარმოადგინოს ხელშეკრულების შესრულების გარანტიიდან ერთ-ერთი:

- გამოუთხოვადი და უპირობო საბანკო გარანტია, რომლის მოქმედების ვადა 60 (სამოცი) დღით მაინც უნდა აღემატებოდეს სახელშეკრულებო ვადას, მაგრამ არანაკლებ ერთ წლიანი მოქმედების ვადით;

ან

- „ოფერენტის“ საბანკო ანგარიშზე ხელშეკრულების შესრულების საგარანტიო თანხის ჩარიცხვის დამადასტურებელი დოკუმენტი (ხელშეკრულების გაფორმებიდან 3 (სამი) სამუშაო დღის ვადაში);

აღნიშნული საბანკო გარანტია/ საგარანტიო თანხა წარმოადგენს „აქცეპტანტის“ მიერ „ოფერენტის“ წინაშე ნაკისრი ფინანსური ვალდებულების შესრულების უზრუნველყოფის საშუალებას. საბანკო

გარანტიის/ საგარანტიო თანხის წარმოდგენის და გამოყენების პირობები დამატებით განსაზღვრული იქნება მხარეთა შორის გაფორმებული ხელშეკრულებით. ზემოაღნიშნული საბანკო გარანტიისა და საგარანტიო თანხის ოდენობა დამოკიდებულია „აქცეპტანტის“ მიერ 4.1. პუნქტის მიხედვით წარმოდგენილი განაცხადით მოთხოვნილი მომსახურების მოცულობაზე/ღირებულებაზე და უნდა შეადგენდეს, სულ მცირე, სამი თვის განმავლობაში მისაღები მომსახურების ღირებულების ოდენობას. ამასთან, წინამდებარე საბანკო გარანტიასთან/საავანსო თანხასთან დაკავშირებული ნებისმიერი ხარჯის (გადარიცხვის საკომისიო და ა.შ.) გაწევას უზრუნველყოფს „აქცეპტანტი“;

- 4.9. „ხელშეკრულება“, მიუხედავად გაფორმების თარღისა, ძალაში შედის მხოლოდ აქცეპტანტის მიერ ხელშეკრულების შესრულების გარანტიის წარმოდგენის და შესაბამისი მიღება-ჩაბარების ორმხრივად ხელმოწერიდან. იმ შემთხვევაში, თუ „ხელშეკრულება“ გაფორმდა და ძალაში შევიდა „აქცეპტანტის“ მიერ, 4.8. პუნქტით გათვალისწინებული საგარანტიო საშუალებების წარმოდგენის გარეშე, სახელშეკრულებო ურთიერთობის პერიოდში „აქცეპტანტის“ მიერ „ოფერენტის“ წინაშე ნაკისრი ფინანსური ვალდებულების დარღვევისას, „ოფერენტი“ უფლებამოსილია „აქცეპტანტს“ მოსთხოვოს ამ ოფერენტის 4.8. პუნქტით გათვალისწინებული საგარანტიო საშუალებებიდან ერთ-ერთის წარმოდგენა, რაც „აქცეპტანტმა“ უნდა შეასრულოს მოთხოვნიდან 15 (თხუთმეტი) კალენდარული დღის ვადაში. „აქცეპტანტის“ მიერ საგარანტიო საშუალების წარუდგენლობა შეიძლება გახდეს დაშვების მომსახურების მიწოდების შეჩერების/შეწყვეტის საფუძველი.
- 4.10. „ოფერენტი“ უფლებას იტოვებს, არ მოსთხოვოს წინამდებარე ოფერენტის 4.8 პუნქტით გათვალისწინებული პირობის შესრულება კომისიის 2014 წლის 06 ნოემბრის N620/9 გადაწყვეტილებით გათვალისწინებულ მნიშვნელოვანი საბაზრო ძალაუფლების მქონე ავტორიოზებულ პირებს.
- 4.11. „ოფერენტის“ თანალოკაციის ფართთან დაშვების პირობები მოცემულია N3 დანართში.

## მუხლი 5. ანგარიშსწორების პირობები

- 5.1. მხარეებს შორის ანგარიშსწორება წარმოებს ყოველთვიურად, გაწეული მომსახურებების შესახებ საოქმო გადაწყვეტილების საფუძველზე, სრული მოცულობით, არაუგვიანეს საანგარიშო თვის მომდევნო თვის 25 (ოცდახუთი) რიცხვისა. საოქმო გადაწყვეტილებაში აღნიშნული უნდა იყოს მომსახურების სახეები, მხარეთა კუთვნილი თანხები და საბოლოოდ გადასახდელი თანხა. მხარეები ერთმანეთს ელექტრონული ფოსტის გამოყენებით უგზავნიან ინფორმაციას მათ მიერ გაწეული მომსახურების შესახებ (გაწეული მომსახურების სახის, მისი ოდენობისა და საფასურის მითითებით) არაუგვიანეს საანგარიშო თვის მომდევნო თვის 10 (ათი) რიცხვისა („ოფერენტისთვის“ მონაცემების მიწოდება ხდება ელექტრონული ფოსტის მისამართზე [invoices@silkneta.com](mailto:invoices@silkneta.com). „აქცეპტანტის“ მიერ მონაცემების დროულად არ წარმოდგენის შემთხვევაში გაწეული მომსახურებების შესახებ საოქმო გადაწყვეტილების შედგენა ხდება „ოფერენტის“ მონაცემების საფუძველზე. „ოფერენტი“ გაწეული მომსახურებების შესახებ საოქმო გადაწყვეტილებას „აქცეპტანტს“ უგზავნის არაუგვიანეს საანგარიშო თვის მომდევნო თვის 15 (თხუთმეტი) რიცხვისა, ხოლო „აქცეპტანტი“ თავისი მხრიდან ხელმოწერილ ამავე საოქმო გადაწყვეტილების ერთ ეგზემპლარს „ოფერენტს“ უბრუნებს არაუგვიანეს საანგარიშო თვის მომდევნო თვის 20 (ოცი) რიცხვისა.
- 5.2. ორპარტიულობის თავიდან აცილების მიზნით, წინააღმდეგობა მხარეების მიერ წარმოდგენილ მონაცემებს შორის არსებობს მხოლოდ მაშინ, როდესაც ერთ-ერთი მხარე წერილობითი ფორმით და წინამდებარე პუნქტის მიხედვით დადგენილი პირობების დაცვით მეორე მხარეს წარუდგენს გადაანგარიშების მოთხოვნას საოქმო გადაწყვეტილების წარდგენიდან არაუგვიანეს 5 (ხუთი) სამუშაო დღის ვადაში. მხარის მიერ გადაანგარიშების მოთხოვნაში დაფიქსირებული უნდა იყოს დარიცხული თანხის რა ნაწილს ეთანხმება იგი და რას არა, რა საფუძველით ხდის სადაოდ დარიცხულ თანხას. ასევე, გადაანგარიშების მოთხოვნას თან უნდა დაერთოს ყველა ის დოკუმენტი თუ სხვა სახის მტკიცებულება, რომელიც ადასტურებს მხარის მოთხოვნის საფუძველიანობას.
- 5.3. 5.2. მუხლით განსაზღვრულ შემთხვევაში, თუ არსებობს წინააღმდეგობა მხარეების მიერ წარმოდგენილ მონაცემებს შორის, ანგარიშსწორება იწარმოებს ორმხრივად შეთანხმებულ ანუ არასადაო ნაწილზე, ხელშეკრულებით დადგენილ ვადებში. გადაანგარიშების მოთხოვნის მიღებიდან 2 (ორი) სამუშაო დღის ვადაში შეუთანხმებელ ნაწილზე მხარეები ქმნიან ერთობლივ კომისიას,

რომელიც 20 (ოცი) სამუშაო დღის ვადაში სწავლობს მხარეთა მიერ წარმოდგენილ შესაბამის დოკუმენტაციას და უზრუნველყოფს შეთანხმებული ნაწილის შეთანხმებას. ანგარიშსწორება განხორციელდება შეთანხმების ოქმის საფუძველზე ოქმის შედგენიდან 5 (ხუთი) სამუშაო დღის ვადაში. იმ შემთხვევაში, თუ მხარეები ვერ მიაღწევენ შეთანხმებას თითოეული უფლებამოსილია მიმართოს საქართველოს კომუნიკაციების ეროვნულ კომისიას ან/და სასამართლოს. იმ შემთხვევაში, თუ მხარე უმიზეზოდ უარს ამბობს ოქმის ხელმოწერაზე ან/და შეგნებულად ხელს უშლის ერთობლივი კომისიის მუშაობას, ერთობლივი კომისიის მუშაობის, საქართველოს კომუნიკაციების ეროვნულ კომისიას ან/და სასამართლოში დავის განხილვის პერიოდში, „აქცეპტანტის“ მიერ „ოფერენტისაგან“ მიღებული მომსახურების საფასურის სრული ოდენობით მისაღებად, „ოფერენტი“ უფლებამოსილია გამოიყენოს წინამდებარე ოფერტის 4.8. პუნქტით გათვალისწინებული უზრუნველყოფის საშუალება ან/და შეწყვიტოს ან/და შეაჩეროს მომსახურების გაწევა კანონმდებლობით დადგენილი წესის შესაბამისად.

- 5.4. ყველა სხვა შემთხვევაში (მათ შორის, როდესაც „აქცეპტანტი“ არ აწერს ხელს საოქმო გადაწყვეტილებას), ანგარიშსწორება განხორციელდება „ოფერენტის“ მიერ „აქცეპტანტისათვის“ წარდგენილი გაწეული მომსახურებების შესახებ საოქმო გადაწყვეტილებაში დაფიქსირებული თანხების სრული ოდენობით წინამდებარე ოფერტითა და ხელშეკრულებით გათვალისწინებული ვადებისა და პირობების შესაბამისად.
- 5.5. მხარეები კისრულობენ ვალდებულებას მათ მიერ გაწეულ მომსახურებაზე მოახდინონ მეორე მხარისათვის დღგ-ს ანგარიშ-ფაქტურის წარდგენა საქართველოს საგადასახადო კოდექსის შესაბამისად, ამასთან, არაუგვიანეს საანგარიშო თვის მომდევნო თვის 15 (თხუთმეტი) რიცხვისა, მიუხედავად იმისა, არსებობს თუ არა წინააღმდეგობა მხარეების მიერ წარმოდგენილ მონაცემებს შორის.
- 5.6. ანგარიშსწორების ვადის გადაცილების შემთხვევაში, „ოფერენტი“ უფლებამოსილია „აქცეპტანტს“ დააკისროს პირგასამტეხლო გადასახდელი თანხის 0.2%-ის ოდენობით ყოველ ვადაგადაცილებულ დღეზე. ამასთან, „აქცეპტანტის“ მიერ ჩარიცხული თანხებიდან პირველ რიგში დაიფარება პირგასამტეხლო/ჯარიმა (ასეთის არსებობის შემთხვევაში), ხოლო შემდეგ – ძირითადი დავალიანება.
- 5.7. პირგასამტეხლო(ები)ს დაკისრება წარმოადგენს „ოფერენტის“ უფლებას და არა ვალდებულებას.
- 5.8. პირგასამტეხლოს დარიცხვა ხორციელდება ვალდებულების დარღვევის დღიდან, თუ “მხარეთა“ სპეციალური შეთანხმებით სხვა რამ არ არის გათვალისწინებული. „ოფერენტი“ უფლებამოსილია ნებისმიერი უფლება/საჩქციები, რომლებიც წარმოშობილია „აქცეპტანტის“ მხრიდან ვალდებულებების დარღვევის შედეგად, თავისი შეხედულებისამებრ გამოიყენოს როგორც ცალ–ცალკე, ასევე ერთობლივად.
- 5.9. ფინანსური ვალდებულების დარღვევაში იგულისხმება დადგენილ ვადაში „აქცეპტანტის“ მიერ „ოფერენტისათვის“ თანხის გადაუხდელობა ან/და არასრულად გადახდა.
- 5.10. თანხა გადახდილად ითვლება მხოლოდ იმ შემთხვევაში, როდესაც იგი აისახება „ოფერენტის“ საბანკო ანგარიშზე.
- 5.11. „აქცეპტანტი“ ვალდებულია:
  - 5.11.1. გადაუხადოს „ოფერენტს“ მიღებული მომსახურების ღირებულება, სანამ გაწეული მომსახურების ღირებულება გაუტოლდება „აქცეპტანტის“ მიერ წარმოდგენილი საბანკო გარანტიით გათვალისწინებულ თანხას;
  - 5.11.2. ჩარიცხოს ახალი საგარანტიო თანხა, საგარანტიო თანხის სრულად გახარჯვამდე.
- 5.12. იმ შემთხვევაში, თუ „აქცეპტანტი“ სრულად ითხოვს მომსახურების შეწყვეტას, „აქცეპტანტი“ ვალდებულია შეწყვეტამდე დაფაროს „ოფერენტის“ მიმართ არსებული როგორც ვადადამდგარი, ისე მიმდინარე დავალიანება.
- 5.13. „ოფერენტის“ მიერ ხელშეკრულების შეწყვეტის შემთხვევაში „ოფერენტი“ უფლებამოსილია ხელშეკრულების მოქმედების პერიოდში „აქცეპტანტის“ მიერ შეუსრულებელი ვალდებულებების მიმართ (როგორც წინამდებარე ოფერტის ფარგლებში არსებული, ასევე სხვა სახის ვალდებულებები) არსებული მოთხოვნები დაიკმაყოფილოს ხელშეკრულების უზრუნველსაყოფად განთავსებული საგარანტიო თანხიდან;

**მუხლი 6. „ოფერენტის“ მაგისტრალურ/ძირითად (“trunk”) და „Backhaul” გადაცემის ქსელებთან დაშვების მომსახურებისა და შესაბამისი ხელშეკრულების მოქმედების ვადა და შეწყვეტის პირობები**

- 6.1. წინამდებარე „ოფერტის“ საფუძველზე მხარეების მიერ გაფორმებული ხელშეკრულება მოქმედებს „აქცეპტანტის“ მიერ ხელშეკრულების შესრულების საგარანტიო თანხის ამოწურვამდე, იმ შემთხვევაში, თუ აღნიშნული მომენტისთვის „აქცეპტანტის“ მიერ, წინამდებარე ოფერტის 4.8. პუნქტით დადგენილი წესით, არ არის ჩარიცხული ხელშეკრულების შესრულების ახალი საგარანტიო თანხა.
- 6.2. წინამდებარე ოფერტის საფუძველზე მხარეების მიერ გაფორმებული ხელშეკრულება მოქმედებს იმ მომენტამდე, სანამ „აქცეპტანტის“ მიერ წარდგენილი საბანკო გარანტიით განსაზღვრული თანხის ოდენობა არ გაუტოლდება „ოფერენტის“ მიერ გაწეული მომსახურების ღირებულებას და გაწეული მომსახურების ღირებულება არ არის გადახდილი „აქცეპტანტის“ მიერ.
- 6.3. წინამდებარე ოფერტის საფუძველზე მხარეების მიერ გაფორმებული ხელშეკრულების მოქმედების ვადის გასვლა იწვევს „აქცეპტანტთან“ წინამდებარე ოფერტით გათვალისწინებული მომსახურების გაუქმებას, რაც ხორციელდება ყოველგვარი დამატებითი გაფრთხილების გარეშე.
- 6.4. წინამდებარე „ოფერტის“ საფუძველზე მხარეების მიერ გაფორმებული ხელშეკრულების შეწყვეტა ხორციელდება საქართველოს მოქმედი კანონმდებლობით დადგენილი წესითა და საფუძველით. ამასთან, წინამდებარე ოფერტით გათვალისწინებულ მომსახურებათან დაკავშირებული ხელშეკრულების / მომსახურების მთლიანად ან ნაწილობრივ შეწყვეტის სურვილის შემთხვევაში, „აქცეპტანტი“ ვალდებულია არანაკლებ 1 (ერთი) თვით ადრე წერილობით მიმართოს „ოფერენტს“ მომსახურების სრულად ან ნაწილობრივ შეწყვეტის თაობაზე.
- 6.5. იმ შემთხვევაში, თუ „აქცეპტანტი“ ვერ ფარავს წინამდებარე ოფერტით გათვალისწინებულ მომსახურების საფასურს, იგი ვალდებულია აღნიშნული ფაქტის დადგომიდან 3 (სამი) სამუშაო დღის ვადაში წარმოადგინოს იმ მომსახურების ჩამონათვალი (მარშრუტის მითითებით), რომლებიც დაკავშირებულია ურთიერთჩართვის მომსახურებასთან. თუ აღნიშნული მომსახურების შეწყვეტა გამოიწვევს „აქცეპტანტისთვის“ ურთიერთჩართვის მომსახურების შეწყვეტას, „ოფერენტი“ უფლებამოსილია მიმართოს კომისიას „ოფერტით“ გათვალისწინებული მომსახურების შეჩერების/შეწყვეტის მოთხოვნით. ურთიერთჩართვასთან დაკავშირებული მომსახურების ჩამონათვალის დადგენილ ვადაში წარმოდგენლობის შემთხვევაში, „ოფერენტი“ უფლებამოსილია ჩაჭრას „აქცეპტანტის“ კაბელები კომისიისადმი მიმართვის გარეშე, რა დროსაც „ოფერენტი“ თავისუფლდება ყოველგვარი პასუხისმგებლობისგან კაბელების ჩაჭრის, მომსახურების შეჩერება/შეწყვეტის და ყველა თანამდევ შედეგზე (მათ შორის, ნებისმიერი სახის მატერიალურ ზიანზე/მიუღებელ სარგებელზე)

**მუხლი 7. „ოფერენტის“ აგისტრალურ/ძირითად (“trunk”) და „Backhaul” გადაცემის ქსელებთან დაშვების მომსახურების მიწოდების ფორს-მაჟორულ შემთხვევებთან დაკავშირებული პირობები**

- 7.1. „ოფერენტმა“ „აქცეპტანტს“ 3 (სამი) სამუშაო დღით ადრე უნდა შეატყობინოს გეგმიური სარემონტო ან სხვაგვარი სამუშაოების ჩატარების შესახებ.
- 7.2. 7.1 პუნქტით გათვალისწინებული წინასწარი გაფრთხილების ვადა შეიძლება შემცირდეს ან საერთოდ გამოირიცხოს, თუ სარემონტო, აღდგენითი ან/და სხვაგვარი სამუშაოების ჩატარება „ოფერენტს“ არ შეეძლო წინასწარ გათვალისწინებინა და თუ სამუშაოების ჩატარება საჭიროა დაუყოვნებლივ. ამ პუნქტით გათვალისწინებული გარემოების დადგომის შემთხვევაში „ოფერენტი“ „აქცეპტანტს“ აცნობებს წერილობით აღნიშნული გარემოების დადგომიდან 5 (ხუთი) სამუშაო დღის ვადაში.
- 7.3. მხარეები თავისუფლდებიან პასუხისმგებლობისაგან მათ მიერ ნაკისრი ვალდებულებების სრული ან ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია ხელშეკრულებით გათვალისწინებული ვალდებულებების შესრულება.
- 7.4. „დაუძლეველი ძალის“ ქვეშ იგულისხმება გარემოებები, რომლებიც არ არსებობენ ხელშეკრულების დადების დროს და რომელთა დადგომა თუ ზემოქმედება მხარეებს არ შეუძლიათ თავიდან აეცილებინათ და გადაეღობათ.
- 7.5. დაუძლეველი ძალის გარემოებებს მიეკუთვნება სტიქიური უბედურებები (წყალდიდობა, მიწისძვრა, ხანძარი და სხვა) აფეთქებები (მათ შორის ტერორისტული თუ დივერსიული

აქტები). საომარი მოქმედებები (მათ შორის სამოქალაქო არეულობები და გაფიცვები), ხელისუფლების ისეთი აქტები, რაც არსებითად აფერხებს მხარეთა მიერ ნაკისრი ვალდებულებების შესრულებას და სხვა.

- 7.6.** თუ ზემოაღნიშნულმა გარემოებებმა უშუალოდ იმოქმედეს დაშვების ხელშეკრულებით ნაკისრი ვალდებულებების შესრულების ვადებზე, მაშინ ეს ვადები ამ გარემოებების მოქმედების დროს თანაბარზომიერად გაიზრდება. მხარე, რომლისთვისაც ფორს-მაჟორული გარემოებების დადგომის გამო შეუძლებელი გახდა ვალდებულებების შესრულება, ვალდებულია დაუყოვნებლივ, მაგრამ არა უგვიანეს 7 (შვიდი) დღისა ამ გარემოებების დადგომიდან ან დასრულებიდან, შეატყობინოს მეორე მხარეს წერილობით. შეუტყობინებლობის, ან დაგვიანებით შეტყობინების შემთხვევაში მხარე კარგავს უფლებას დაეყრდნოს ფორს-მაჟორული გარემოებების არსებობას, როგორც პასუხისმგებლობისაგან გათავისუფლების საფუძველს.

#### **მუხლი 8. დავების განხილვის წესი:**

- 8.1.** მაგისტრალურ/ძირითად (“trunk”) და „Backhaul” გადაცემის ქსელებთან დაშვებასთან დაკავშირებით ნებისმიერი დავა განხილული და გადაწყვეტილი იქნება საქართველოს მოქმედი კანონმდებლობის შესაბამისად, მხარეების მიერ საქართველოს კომუნიკაციების ეროვნული კომისიის ან/და სასამართლოსთვის მიმართვის გზით.

#### **მუხლი 9. დასკვნითი დებულებები**

- 9.1.** წინამდებარე ოფერტასა და მხარეთა შორის გაფორმებულ ხელშეკრულებას (მათ შორის დანართებს, რომლებიც წარმოადგენენ ხელშეკრულების განუყოფელ ნაწილს) შორის სხვაობის ან წინააღმდეგობის არსებობისას უპირატესი ძალა ენიჭება ხელშეკრულებით გათვალისწინებულ პირობებს, გარდა საქართველოს კომუნიკაციების ეროვნული კომისიის მიერ, ოფერენტისთვის დადგენილი სპეციფიკური ვალდებულებების ფარგლებში განსაზღვრული პირობებისა, რომელიც ასახულია წინამდებარე ოფერტაში.
- 9.2.** წინამდებარე ოფერტაში ცვლილების შეტანა ხორციელდება შესაბამისი ცვლილების კომისიის ვებ-გვერდზე გამოქვეყნებით. ოფერტაში ცვლილების შეტანა ავტომატურად გულისხმობს შესაბამის ყველა მოქმედ ხელშეკრულებაში ცვლილების შეტანას იმ რედაქციითა და მოცულობით, რაც გამოქვეყნებული იქნება კომისიის ვებ გვერდზე.

#### **მუხლი 10. ოფერტის მოქმედების ვადა**

- 10.1.** წინამდებარე ოფერტა ჩაენაცვლება სს „სილქნეტის“ ოპტიკურ-ბოჭკოვან მაგისტრალურ არხებთან და მაგისტრალური საკომუნიკაციო ციფრული სისტემების ტერმინალურ ელემენტებთან და მათ რესურსებთან დაშვების შეთავაზების მომსახურების 2018 წლის 26 ივნისის „მოწვევის ოფერტას“ და წინამდებარე ოფერტის ძალაში შესვლით ძალადაკარგულად ცხადდება 2018 წლის 26 ივნისის მოწვევის ოფერტა.
- 10.2.** წინამდებარე მოწვევის ოფერტა ძალაშია 2019 წლის 15 იანვრიდან და მოქმედებს 3 (სამი) წლის ვადით.

სს“სილქნეტის“ მაგისტრალურ/ძირითად (“trunk”) და „Backhaul” გადაცემის ქსელებთან დაშვების ტარიფები:

**1. ოპტიკურ-ბოჭკოვან კაბელში ერთი ძარღვის იჯარის ტარიფი:**

ოპტიკურ-ბოჭკოვან კაბელში ერთი ძარღვის 1კილომეტრი - 14.90 ლარი;

*შენიშვნა:* ზემოთ მითითებული ტარიფები განისაზღვრება ერთ ოპტიკურ ბოჭკოვანი წვერისათვის, ერთი თვისთვის, ერთ კმ/ზე და მოცემულია დღგ-ს გარეშე.

**2. მონაცემების ტრანსპორტირების ტარიფი:**

1 მბ/წმ - 0.50 ლარი;

*შენიშვნა:* ზემოთ მითითებული ტარიფები განისაზღვრება ერთ მეგაბიტზე, ერთი თვისთვის და მოცემულია დღგ-ს გარეშე.

**პირველ და მე-2 პუნქტთან დაკავშირებული შენიშვნა:**

წინამდებარე ოფერტით გათვალისწინებულ მომსახურებაზე დაშვების გეოგრაფიული არიალი/ზონები:

- „საქალაქთაშორისო“ - 2018 წლის 06 დეკემბრის N671/9 გადაწყვეტილების შესაბამისად.
- „საქალაქო“ - 2018 წლის 06 დეკემბრის N671/9 გადაწყვეტილების შესაბამისად კერძოდ, თბილისი, ქუთაისი, ბათუმი.

**3. მონამენტა ტრანსპორტირების (E1) ტარიფები:**

E1	I ზონა (მოიცავს 5 კმ-იან რადიუსს)	II ზონა (მოიცავს 10 კმ-იან რადიუსს)	III ზონა (მოიცავს 10 კმ-იანზე მეტ რადიუსს)
ტარიფი	250	400	550

*შენიშვნა:* ზემოთ მითითებული ტარიფები განისაზღვრება ერთი თვისთვის და მოცემულია დღგ-ს გარეშე.

*პირველ, მე-2 და მე-3 პუნქტებთან დაკავშირებული შენიშვნა* - სერვისის მიწოდების ერთჯერადი საფასური განისაზღვრება ინდივიდუალურად, რომელიც დამოკიდებულია ქსელის მოწყობისათვის შესასრულებელი სამუშაოების მოცულობასა და საჭირო მასალებზე.

**4. სს „სილქნეტის“ თანალოკაციის ფართზე დაშვები ტარიფები:**

მომსახურების ტიპი	თბილისი	ქუთაისი	აჭარა	რუსთავი	ზუგდიდი	საქართველოს დანარჩენი რეგიონები
დაშვება თანალოკაციის ფიზიკურ ფართზე (ლარი/თვე კვმ-ზე)	114.48	124.63	99.19	107.47	28.84	69.75
დაშვების საათობრივი განაკვეთი – დღის სამუშაო [ორშაბათი – პარასკევი, 09:00–18:00] (ლარი/სთ)	6.25	6.06	3.98	6.25	2.61	5.11

დაშვების განაკვეთი – დღის სამუშაოს გარდა (ლარი/სთ)	საათობრივი	8.75	8.49	5.57	8.75	3.66	7.16
--	------------	------	------	------	------	------	------

*შენიშვნა: ფასები მოცემულია დღგ-ს გარეშე;*

მოთხოვნის ფორმა

1. შეკვეთის ტიპი

<input type="checkbox"/> საწყისი წერტილის მისამართი: <input type="checkbox"/> საბოლოო წერტილი მისამართი:
<b>მომსახურების დასახელება</b> <input type="checkbox"/> <b>მოცულობა</b> <input type="checkbox"/> <input type="checkbox"/>

2. ინფორმაცია

კომპანიის სახელწოდება	
ხელმძღვანელის თანამდებობა	
ხელმძღვანელის ვინაობა	
საიდენტიფიკაციო ნომერი:	
საკონტაქტო პირი	
საკონტაქტო პირის ტელეფონის ნომერი	
ელექტრონული მისამართი	

3. დამატებითი ინფორმაცია

--

4. დასტური

ვადასტურებ, რომ გავცანი, ვეთანხმები და უპირობოდ შევასრულებ სს „სილქნეტის“ წინადადების (მოწვევის ოფერტის) ყველა პირობას.

კომპანიის ხელმძღვანელი / /

ხელმოწერა \_\_\_\_\_

**„ოფერენტის“ თანალოკაციის ფართთან „აქცეპტანტის“ დაშვების წესი პირობები**

1. მხარეთა მიერ „ხელშეკრულების“ ხელმოწერიდან 5 (ხუთი) დღის ვადაში, აქცეპტანტი ვალდებულია წერილობით წარუდგინოს ოფერენტს იმ თანამშრომლების ვინაობა, რომლებიც ხელშეკრულების მიზნებისათვის წარმოადგენენ თანალოკაციის ფართთან დაშვებაზე უფლებამოსილ ფიზიკურ პირებს (მათ შორის: სახელი, გვარი, პირადი ნომერი) და დოკუმენტი, რომელშიც მითითებული იქნება აქცეპტანტის დასტური რომ აღნიშნული პირები წარმოადგენენ მის თანამშრომლებს. აღნიშნული პირების ოდენობა არ უნდა აღემატებოდეს 20-ს. ოფერენტი უფლებამოსილია ნებისმიერ დროს მოსთხოვოს აქცეპტანტს სიაში მითითებული ნებისმიერი პირ(ებ)ის შეცვლა სხვა პირით, თუ არსებობს ობიექტურად და წერილობით დასაბუთებული მიზეზი იმისა, რომ აღნიშნული პირ(ებ)ი არაკეთილსინდისიერად იყენებდა დაშვების უფლებას, ან სხვა სახის ქმედებით პირდაპირ ზიანს აყენებდა ოფერენტს;
2. აქცეპტანტი ვალდებულია უზრუნველყოს ოფერენტის უფლებამოსილ წარმომადგენლებთან ერთად თანალოკაციის ფართში განთავსებული საკუთარი აპარატურის მარკირება, ოფერენტის მოთხოვნების დაცვით;
3. აქცეპტანტი ვალდებული იქნება:
  - 3.1. თანალოკაციის ფართში განთავსებული აპარატურ(ებ)ის ნებისმიერი სახის დაზიანების შემთხვევაში აპარატურ(ებ)ა შეაკეთოს თავისი ხარჯებით;
  - 3.2. თანალოკაციის ფართში საკუთარ აპარატურაზე სამუშაოები აწარმოოს ოფერენტის უფლებამოსილი წარმომადგენლების თანდასწრებით;
  - 3.3. „ხელშეკრულების“ შეწყვეტის ან კონკრეტული აპარატურ(ებ)ის დემონტაჟის მოთხოვნისას საკუთარი ხარჯით მოახდინოს განთავსებული აპარატურ(ებ)ის დემონტაჟი და მისი თანალოკაციის ფართიდან გატანა ხელშეკრულების შეწყვეტიდან/კონკრეტული აპარატურ(ებ)ის დემონტაჟის მოთხოვნიდან არაუგვიანეს 1 (ერთი) თვისა (მათ შორის წარმოადგინოს შესაბამისი აპარატურის საიდენტიფიკაციო მონაცემები, ტექნიკური აღწერილობა და წერილობითი დადასტურება რომ აღნიშნული აპარატურა წარმოადგენს აქცეპტანტის საკუთრებას), ასევე განთავსებული აპარატურ(ებ)ის დემონტაჟის და მისი თანალოკაციის ფართიდან გატანის პროცესი წარმართოს ოფერენტის უფლებამოსილი წარმომადგენლის თანდასწრებით, რის თაობაზე უნდა შედგეს შესაბამისი აქტი.
  - 3.4. აქცეპტანტის მიერ კომპანიის მიერ, 3.3. პუნქტით გათვალისწინებული ვალდებულების, ამავე პუნქტით დადგენილ ვადაში შეუსრულებლობის შემთხვევაში, მხარეები თანხმდებიან, რომ აქცეპტანტმა უარი განაცხადა აპარატურაზე/აპარატურებზე და აღნიშნული აპარატურა/აპარატურები გადადის ოფერენტის საკუთრებაში, შესაბამისად ოფერენტი უფლებამოსილია თავად განახორციელოს აპარატურ(ებ)ის დემონტაჟი, ტრანსპორტირება, დასაწყობება ან/და მოახდინოს მისი განადგურება, ან სხვაგვარად განკარგოს აღნიშნული ქონება კანონმდებლობით დადგენილი წესით.